

The Presbyterian Church of India
ZOU PRESBYTERIAN CHURCH SYNOD



SEPGUOL VAIGUON 2021

Thupi:
“Na Gam hing tung hen”
(Mathiu 6:10).

7a,

.....

.....

THUMAPUI

Hunte hing liem zel in leitung buoina, nat-le-sat khawmkal ah theilou kal in September i tung touta ua, a hing mapuitu i bieh Pasian kung ah kipah thu i tut masa uhi.

Tu in 1st Synod Executive Committee R/No. 7 dated 16/12/2020 phasah bang in **“Na Gam hing tung hen”** chi thupi zang a Vaiguon bawlding in Rev. Thangboi Khuongsai guot ahi toh kituoh in ahun tan a tawi thei a i um ziehun Pasian min i phat uhi.

Kum 2020 ma bang in tu kum in zong Leitung in a buoipi mama COVID-19 2nd Wave ziehin Biehinn kai theilou in hun sawtah i umta ua, Sepguol vaiguon zong ahiding bang tah a mang theilou ding i bang kiata uhi. Bangteng hileh Pasian muong in Hattuumten Biehinn leh Innvena a i zah thei tahlou uleh zong Innsuon chin in September ha sung Innsung kikhopna a zang in Pasian maipha sui in thumna toh zang chiet ding in i kingen uhi.

Mangpa'n Hattuum misiengthoute hing vengbit in hing mapui chietta hen.



Rev. Khamchinkhai
Sr. Executive Secretary
ZPCS

ZOU PRESBYTERIAN CHURCH SYNOD SEPGUOL VAIGUON-2021

THUPI- “NA GAM HING TUNG HEN” Matt. 6:10

September 01, 2021 (Nilaini)

Puitu :
Sepguol honna :
Thumguolna : Mipi
Tuohkhawm lantu :
Thugentu :
Thupi : Pasian gam
Tawpna :

Bible Simding:

Johan 14:1-4 “Na lungtanguh mangbangsah sih un, Pasian gingta unlen, Kei zong hing gingta un. Ka Pa inn ah umna tampi a um hi, a umlou hileh noute ka hing hilta ding hi. Nou a dinga mun bawla pei ding ka hi. Nou a dinga mun bawl a ka vapei leh ka hing pei kia ding a, ka kung ah noute ka hing la ding hi; ka umna a noute zong na um theina dingun. Ka peina ding na thei ua, alampy zong na thei uhi.

Hebrute 11:16 Hinanleh gam hoizaw lunggul ana hi ua, tua khu van gam ahi. Tuaziehin Pasian khu a Pasian uh chi a hat ding azum sih hi, aziehpén ama ua dingin khopi khat bawlsa’n akoipiehta hi.

September 02, 2021 (Ningani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian gam khu bang toh bang mun ahiei?
Tawpna	:	

Bible Simding:

Kihilna 7:13-17 Tuachi'n upate laha khat in kei ahing houpi a, ka kungah, "Tam puon ngou silte koite ahi uoi? Tualeh hei a kipata hing pei ahi uoi?" chi'n ahing donga, Tualeh ken akungah, "Pu aw Nangman na thei hi," ka chi hi. Tuachi'n Aman ka kungah, "Tamte khu gimthuohna thupitah akipat a hing pawtdohte ahi ua, apuonte uh Belamnou sisan a sawpa ngousahte ahi uhi. Tuaziehin amaute Pasian mangtoupma mai a um in, A biehin ah sun leh zan in Ana asem uhi. Tualeh Ama mangtoupma tunga toupma khu alah uah ateng ding hi. Agil uh akiel ngai nawn sih ding a, adangtah ngai nawn sih ding uhi, Nisa in amaute aka nawn sih dinga, asatna zong athuoh kha nawn sih ding uhi. Aziehpén Mangtoupma laikimtah a, Belamnou khu amaute chingpa ahita dinga, hinna tuinahte ah apui ding hi. Tualeh Pasian in amit ua kipat ahituote, uh a sia sieng pieh ding hi," achi hi.

Kihilna 21:1-4 Tuachi'n lei tha leh van tha ka muta a, van masa leh Lei masa pen abeita a, tuipi mawngmawng a um nawn sih hi. Tuachi'n Kei Johan in khopi siengthou Jerusalem tha, mou apasal a dinga kilawmtah a kizem banga bawlzousa Pasian a kipat leh van a kipat a hing kum suh ka mu hi. Tualeh van a kipan aw ngaitah khat in, "Ngai wawi, Pasian biehbuh khu mihingte lah ah a umta hi, Ama alah uah ateng dinga, amauh khu amite ahi ding ua, Pasian mama in amau aumpi dinga, a Pasian uh ahi ding hi. Tualeh Pasian in amit ua pat hitui zousie asia sieng pieh ding hi; tualeh shina a um nawn sih dinga, lunggimna leh kaana leh natna zong a um nawn sih ding hi; aziehpén sil masate, zousie abeita hi," achi ka za hi.

Isai 35:10 Tualeh Mangpa tatsate ahing kinuale kia ding ua, la sa kawm in, alutung ua kumtawn kipahna toh, Zion ah apeitou ding uhi. Amaun nopna leh kipahna amuta ding ua, lunggimna leh mauna aumnawnsih ding hi.

September 03, 2021 (Ziltawpni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian gam leh Setan gam kibahlouna
Tawpna	:	

Bible Simding:

Luk 16:19-31 “Mihausa koi ahiei khat a um a, puon sandup leh puon malngat asil a, ni chin in nuomsa tahin a um hi. Tualeh amin Lazar kichi apumtanga hima a dim mi hausapa kotpi bul a alupsah zel uh khutdaw khat a um a, Mi hausapa dawkan a kipat khateneng kia pou neh a kigilva sah alunggul hi. Tuathamlouin uite ahing pei ua, ahimate alieh piehzel uhi. Tualeh hichi ahing hi a, tua khutdawpa ashi a, vansawlsiengten Abraham angsungah a peipi uhi. Mi hausapa zong ashi a akivui ta hi. Tualeh mishi khuo ah gimthuohin a um a, adah tou a, gamlapi a Abraham leh a angsung a Lazar um khu amuta hi. Tuachi’n akikou a, Pa Abraham Kei hing khotuo inlen, Lazar in akhutme dawn tui ah hing die henlen ka lei suvot dingin hing sawl in, tam meikuongah ka thuohgim sengta hi, a chi hi. Hinanleh Abraham in Tapa nangman na dam lai in sil hoite na kimu a, tuamabangin Lazar in sil hoiloute amu hi, chi geldohin, hinanleh tuin vang ama hamuonin a um a, nang pen gimthuohin na um hi. Tualeh tamte chilou zong, koute leh noute kikaal ah guom thupitah a um hi; tua khu tamlang gal a kipat noute kunga hing pei utte ahing pei theilouna ding u’leh, tualang gal a kipata kou kunga hing pei utte, ahing pei thei louna ding un, achi hi. Tuachi’n aman ahileh, Pa ama khu ka pa inn a sawl dingin ka hing ngen hi. Aziehpén sanggam pasal nga ka nei a, amauh vahil leh tuachilou in

ama u'zong tam gim thuohna mun ah ahing pei kha ding uhi, achi hi. Abraham in akungah, amaun Mosi leh guolneite anei uhi, tuate thu na ngaikhie uheh, achi hi. Tuachi'n aman Hilou e, Pa Abraham, mishi lah a kipat mi khat va pei leh akisia ding uhi, achi hi. Hinanleh aman akungah, Mosi leh guolneite thu angaikhiet nuom sih u'leh, mishi lah akipat mi khat thoukia nanleh zong atahsang tuom sih ding uhi, achi hi," achi hi.

September 04, 2021 (Kiginni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian gam khu koite a ding ahiei?
Tawpna	:	

Bible Simding:

Mathiu 5:3 “Hagau a gentheite ahampha uhi, van gam ama-ua ahi zieh in.

Matt. 18:4 Tuaziehin koipou tam naupang neu banga kingaangiem mi khu, van gam ah alienpen ding hi.

Matt. 22:2-14 “Van gam khu leengpa koi ahiei in, atapa dinga kitenna annzaluina a bawl toh a gente hi. Tualeh aman kitenna anzaluina a, chielte han dingin asuohte asawl a, hinanleh amaute ahing haw nuom sih uhi. Aman asuoh dangte asawl kia a, chielte kung ah, Ngai un, ka anzalui a manta a, ka bawngtalte leh ka gan vahthaute ka gouta a, bangma zousie mansa ahita, kitenna ankuong im dingin hing peita un, va chita un, achi hi. Hinanleh amaun ana thusim sih ua, khat alou ah, khat asummet bawl na ah, akipeimangta uhi. Tualeh adangten asuohte aman ua, simmawhuoi tahin abawl ua, athatta uhi. Hinanleh leengpa'n tua thu azah tahin alungthahta a, tualeh agalkapte asawl a, tua tuolthatte asumang a, akhopi uh ahaltum piehta hi. Tuachi'n aman asuohte kungah, kitenna ankuong mansa ahita, hinanleh ka chielte lah

ne taah ahi sih uhi. Tuaziehin lamkathuomte ah pei unlen, tualeh na mu taphot uh, kitenna ann ne dingin hing chiel un, achita hi. Tuachi'n tua suohte khu apawt ua, lamkathuomte a va pei in amu pouma uh, misie leh miphahte zong abawn un ahing hankhawm ua, tualeh kitenna innsung khu michielte in ahing dimta hi. "Hinanleh leengpa khu michielte en dinga ahing lut leh, kitenna puon sillou mi khat amuta hi. Tuachi'n ama'n akungah, Lawm bangchidan ahiei kitenna puon sillou a tana na hing lut? achi hi. Tualeh ama ahamta sih hi. Tuachi'n leengpa'n asuohte kungah, akhut leh akeng kaan unlen, pulam miel ah paidoh un, khunah kaa leh hagawina a um ding hi. Chielte tampi ahi ua, telte tawmnou ahi uh," achi hi.

September 05, 2021 (Pasianni Nitah)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian gam itun thei na ding un Ama'n bang ahing bawlsah ei?
Tawpna	:	

Bible Simding:

Johan 3:16-17 Aziehpén Pasián in khovel a it sengsenga, tuachi'n a tapa tangkhat neisun apie hi, koipou Ama gingta in amanthat lou a kumtawn hinna anei zawhna dingin. Khovel siemlou tangsah dingin Pasián in atapa leitungah asawl sih a, Khovel Ama vanga hundam ahitheina dingin asawl zaw hi.

September 06, 2021 (Seppatni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian gam itun na ding un bang bawl angai ei?
Tawpna	:	

Bible Simding:

Matt. 7:13-14 “Kot kochih ah lut un, manthaina lampi kot khu alien a, alampi zong agol hi, tualeh khuna lutte khu tam zong atam uhi. Hinna zotna kot khu akochih a, alampi zong ahamsa a, amute zong atawm uhi.

Johan 4:24 Pasian khu Hagau ahia, abe miten Hagau leh thutah a abieh ding uh ahi.”

Mathiu 7:21 “Mangpa, Mangpa hing chi zousie, vangam alut sih ding uhi, hinanleh ka Pa van a um deilam bawlte bou khu alut ding uhi.

September 07, 2021 (Sepkiani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian gam mi hidingte umding dan
Tawpna	:	

Bible Simding:

Johan 4:7-11 Tuachi’n Samaria numei khat tuitawi dingin ahing pei a, Jesu’n akungah “Dawn ding hing pe vawi,” achi hi. Anuazuite lah khopi lam ah neh ding lein apei siengta uhi. Tuachi’n Samaria numei in akungah, “Bangchidan a nang Juda mi in Kei Samaria numei kunga

dawn ding na hing nget ahiei?” Judaten lah Samaria mite bangma a na ngai lou uh hilou ahieimah? achi hi. Jesu’n a dawnga akungah, “Pasian silpieh leh na kunga dawn ding hing piein chipa koi ahiei chi theilachin nang akunga ngen zaw ding hima ve chin, Aman tuihing hing pe ding hiven,” achi hi. Numei in akungah, “Pu aw asawhna ding bangma na nei sih a, tuikul lah athuh mama in, hei a kipata tua tuihing la ding na hiei?

Kol. 3:5-10 Tuaziehin na tahsa hieng uh leitunga umte sulum un, huasannate, sienthoulounate, ki etlanate, utna giloute leh huoihamnate, huoihamna khu milim biehnah ahi. Tam silte ziehin, thu manglou tate tungah Pasian lungthahna hing tung ding ahi. Tumasang lai in noute tua silte sunga na um lai un, amaute ah na hing uhi. Hinanleh tuin vang tam silte zousie, lungthahna, thangpaina, ase lam kideisahna, kigensietna, ham giloute na kam ua pat koimang un. Khat leh khat kisoltuo sih un, mihing lui khu asilbawlte toh na koimangta uhi. Mihing tha sil na hita uhi, tua mihing tha khu theina nei a Asiempa batpi a siemthain aum hi.

Lapite 1:3 Ama khu luiluong gei a sing kisuon ahun a ga zel, ana zong vuoi ngailou bang ahi ding a, asil bawl pouma ah alamzang ding hi.

4. Johan 13:34 Thupieh tha ka hing pie hi, noute khat leh khat ki ittuo chiet un, ken noute ka hing it bangin noute ki ittuo chiet un.

September 08, 2021 (Nilaini)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Leitung/Khovel mite umdan
Tawpna	:	

Bible Simding:

Rom 3:9-20 Tua ahileh bang? Amauh sangin eite i hoizaw tuon uh amah? Hoizaw mawngmawng lou! Judate leh Jentelte ani un khelna thunuo i ah a um siengta uh chiin kichientahin ingoh masa ta uhi. “Midihtat koima a um sih, khat zong a um sih. A theisiem koima a um sih, Pasian sui koima a um sih. A unpi un alampielmang siengta ua, a unpi un phattuumna neilou asuoh siengta uh; Koima silhoi bawl a um sih ua, khat zong a um sih.” “Alawl uh han kihong ahia, a lei un solna thu agen ua,” amuh uah gulgu a um hi. “Akam uh hamselawna leh, khatna in adim a,” “Akengte uh sisan suo dingin, anawsuon uhi. Manthaina leh lungzinna, alampi uah a um hi. Lungmuonna lampi, athei sih uhi.” “Amit uah Pasian ginna mawngmawng, a um sih hi,” chiin ana kigiel hi. Dan in sil bangpou agen pouma, kam chinteng hum a a um theina ding leh, leitung pumpi Pasian mai a mawtanga aum theina ding un, dan nuoi a umte kunga agen ahi chi ithei uhi. Tuaziehin dan silbawlte ziehin, koima Pasian mitmu a siemtangin a um sih ding uh, aziehpén dan ziehin khiel kiphawhna ahing um zaw hi.

Kol. 2:20-23 Tuaziehin leitung thubulte apat Khrist toh shi na hitaah u’leh, bangdinga leitung dan a hing banga, dan thupieh nuoi a kitulut na hi uoi? “Sukha sin, chiem sin, thamsin, kichite,” Tamte zousie pen akizah pum a mang sieng ding ahi, tamte bawl khu mihing thupieh leh thuhilna a zui ahi. Tam silte khu akilat dan ah pil huoi bahna anei uh, hinanleh tam thuhilna amaute kibawlthu, biehná, kingaangiemna dihlou leh tahsa bangma a simlounate pen tahsa deilam suhpichinna lam ah bangma aphatuom sih hi.

September 09, 2021 (Ningani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Atuom in umvai
Tawpna	:	

Bible Simding:

II Korinth 6:14-18 Ginglou mite toh kituohloupi in hahkol pokhawm sih un, aziehpén dihtatna leh danbeia gamtatna in bang kigopna anei uoi? tualeh vah leh miel in bang kipawlkhawmna anei uoi? Khrist leh Belial in bang kilemna anei uoi? Ahisihleh gingmi leh ginglou miin bang tankhawm anei uoi? Pasion biehin leh milimten kithukimna anei uh amah? Noute Pasion hing biehin na hi uhi, Pasion in, “Ama uah ka teng dinga, amaute lah ah ka vah ding, a Pasion uh ka hi dinga, ama u’zong Ka mite ahi dinguh, achi bangin. Tuaziehin, alah ua kipat in hing pawtdoh unlen, atuom in um un, Mangpa’n achi hi. Asienglou mawngmawng khoi sih un, tuachi’n noute ka hing pom ding a; noute a dingin na Pa uh ka hi dinga, noute zong ka tapa leh ka tanute na hi ding uhi. Mangpa bangkim bawlthei in” achi hi.

2. Ezra 10:10-11 Tuachi’n siempu Ezra adingtou a, amaute kungah, “Noute na muonhuoi sih ua, gamdang numeite na kitenpi ua, Israelte khelna na pungsah semsem uhi. Tuaziehin tuin Mangpa napu napate uh Pasion kungah na khelna uh phuong in, thupha tawi unlen, a deilam bawl un, agam mite leh na gamdang zite utoh kikhen unlen kituomkoi un,” achi hi.

September 10, 2021 (Ziltawpni)

SYNOD DAY

(Office lamte mawpuoh)

September 11, 2021 (Kiginni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Van ah gou khol un
Tawpna	:	

Bible Simding:

Matt. 6:19-21 “Lei a nget leh sam eeh in anehsiet na ah leh gutaten aphevang ua aguh theina uah gou kikhoh sih un. Hinanleh van ah, nget leh sam eeh in anehsiet louna leh, gutaten aphevang ua, aguh louna uah gou kikhohzaw un. Aziehpen na gou uh umna mun ah, na lungtang u’zong a um ding hi.

September 12, 2021 (Pasianni Nitah)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Jesu Khrist kilepsan sih va ui.
Tawpna	:	

Bible Simding:

Matt. 10:28-33 Tualeh tahsa that thei a Hagau that theiloute giing sih un, hinanleh Hagau leh tahsa ani a gawtmun a sumang theipa Ama khu giing zaw un. Vatou ni paisasan khat in akizua zel asiei mah? Ahivang in alah ua khat zong na Pa uh theilouin tuol ah akesih ding hi. Na lutung ua na samzamte zousie uh nangawn sim sieng ahita hi. Tuaziehin zau sih un, vatou tampi sangin na manphazaw uhi. Koipou mite masang a hing hum pouma, ken zong van a ka pa mai ah, ama ka hum ding hi. Hinanleh koipou mite mai a, kei hing kilepsan pouma Ken zong van a ka Pa masang ah ka kilepsan ding hi.

September 13, 2021 (Seppatni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian itna thupi dan
Tawpna	:	

Bible Simding: Johan 3:16 Aziehpén Pasion in khovel a it sengsenga, tuachi'n a tapa tangkhat neisun apie hi, koipou Ama gingta in amanthat lou a kumtawn hinna anei zawhna dingin.

I Korinth 13:1-13 Mihing hamte leh vansawlsieng hamte in thu gen nanleeng itna ka nei sih leh dah ging ahisih leh dahkhubeh ging ahie bang ka hi giap ding hi. Thumavang gentheina silpieh nei in, thuguh kiphuolte zousie leh theina zousie thei sieng nan leng, tualeh muol leh taangte kisuontheina khop ginna nei nanleng, itna ka nei sih leh bangma ka hi sih hi. Tualeh ka nei zousie mi gentheite vahna dingin pe siengin, tualeh ka tahsa haltum dingin pengam nanleng zong, itna ka nei sihleh bangma aphatuom sih hi. Itna in athuoh zou a, anunnem hi, Itna in athangse sih a, itna akisiel sih a, aki uongsah sih a, Agumtat sih a, ahuoiham sih a, alungthah bai sih a, silgilou angaituo ngai sih a, Dihtatlounate akipahpi sih a, hinanleh thutah akipahpi zaw hi. Itna in sil zousie athuohsiem a, silzousie agingta a, sil zousie ah akinema, sil zousie athuoh muolsuo hi. Itna abei ngai sih ding hi. Hinanleh thumavang gente um nanleh abei ding hi; ham theiloute ahing tawp ding a, theinate um nanleh ahing mang ding hi. Eiten akim lou a ithei zieh un, akimlou in igen uhi. Hinanleh abukimna ahing tun chiengin akimlou khu suhbei ahita ding hi. Ka naupan lai in, naupang ham in ka ham a, naupang thei in ka thei a, naupang ngaituoin ka ngaituo hi. Hinanleh ka hing pichin bepin naupanlai silte ka paita hi. Aziehpén tuin himlanga et bangin, chienglou milmiel in imu ua, hinanleh tua hun chiengin vang kimaituo in imuta ding uhi, tuin pen akimlou in ka thei a, hinanleh tua hun chiengin vang kei hing kithei bangin ka theita ding hi. Tua leh tuin, ginna, kinepna leh itna, tamteng thum a umden hi, hinanleh tamteng lah a alien pen itna ahi.

Rom 13:8-10 Ki it tuona loungal koima bangma basih un, Ama amihinpi it miin dan azuikim hi. Aziehpén tam “Thupiehte, angkawm sin, tuol that sin, guta sin, theipitu dihlou in pangsin, eng sin,” chileh thupieh dang mawngmawng aum leh “Nangma na ki it bangin na innvengte na it ding ahi,” chiin akhaikhawm sieng hi. Itna in innvengte sietna ding abawl sih hi, tuaziehin, itna khu dan zuikimna ahi.

September 14, 2021 (Sepkiani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Nichin in A Khross paw va ui
Tawpna	:	

Bible Simding:

Luk 9:23 Tuachi'n Aman amaute zousie kungah, "Mi koipou in ahing zui ut uleh amaleh ama kingaisah louin nichin in akross puo in hing zui heh.

Matt. 11:28-30 Nou semgim leh puohgih pote zousie ka kungah hing pei un, Keima'n khawldamna ka hing pe ding hi. Ka hahkol puo unlen, ka kungah zil un, aziehpén kei khu zainemtah leh lungtanga kingaingiemtah ka hi; tuachi'n na hagau ua dingin khawldamna na mu ding uhi. Aziehpén ka hahkol a nuoma, ka puoh zong a zang hi," achi hi.

September 15, 2021 (Nilaini)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Ginna toh kalsuon
Tawpna	:	

Bible Simding:

II Korinth 13:5 Ginna ah na umna uoi mah nouma leh nouma ki enchien unlen, kithei chien un. Nouma ah Jesu Khrist aum chi theilou na hi uoi mah? Tuachilouin na chinglakha ding uhi.

II Korinth 5:7-9 Aziehpén ginna in ipei ua, mu thei in ipei sih uhi. Kimuongtahin i um uh kachi ahi, tahsa a umlou in Mangpa toh ium ut zaw uhi. Tuaziehin um in um sih nan lei zong, Ama kipahpi lam ihi theina dingun isemgim uhi.

Hebrute 11:24-27 Ginna in Mosi in ahing pichin nuain, Pharaoh tanu tapa chi a um ding a ut sih a, Hun tomkhat sung khelna nopsahnate man sang in, Pasian mite toh bawlgentheina thuoh atel zawta hi. Khrist thuohgimnate khu Izipt gam hausatnate sanga hausatna thupizaw a ngai in, akipahman mu ding lam khu a en zing zaw hi. Ginna in aman leengpa lungthahna zaulouin Izipt gam anuasie a; mutheiloupa khu amu ziehin athuoh teitei hi.

September 16, 2021 (Ningani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Sienthoua hinkhuo
Tawpna	:	

Bible Simding:

Eph. 4:22-24 Na ni danglai hindan ua, mihing lui, misol utna zieh a kisegawp deudeu hawhkhie unlen, Na lungsim hagau uah atha in hing um unlen, Mihing tha, dihtatna leh sienthoua a Pasian kibahpi a siem pen sil un.

Siempu. 19:1-4 Tualeh Mangpa'n Mosi ahoupí a, "Israel tate mipi kikhawmte zousie houpi inlen akung uah, Na sienthou dinguh ahi, Kei Mangpa na Pasian uh ka siengthou hi. Michin in na nu leh na pate uh zaudan na siem ding ua, ka khawl nite na nit dinguh ahi, Kei Mangpa na Pasian uh Ka hi. Milimte lam ah kihei sih unlen, nou a dingin pasiente bawlthu sih un, Kei Mangpa na Pasian uh Ka hi.

September 17, 2021 (Ziltawpni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Ki ngaingiemna hinkhuo
Tawpna	:	

Bible Simding:

Philippi 2:5-11 Khrist Jesu a zong um tam lungsim khu noute ah zong um heh; Ama Pasian banga um hinapi, Pasian toh kibanga um khu sil khiehla huoi in angaituo sih a, Hinanleh Ama hing kikoi ngiemn, suoh bangin ahing um a, mihing bangin ahing pieng hi. Tualeh mihing lim leh mel bang hing puoin, ahing kingaangiem a, shi tandongin thu amanga, Kross ah shina nangawn ahing thuoh hi. Tuaziehin Pasian in zong Ama nasatahin atawi sangta a, min zousie lah a min tungnung pen apeta hi. Tuachia Jesu min a, mizousie, vantung a sil umte, leitung a sil umte leh lei nuoia sil um chintengte akhupdin ding a, Lei chintengin, Jesu Khrist khu Pa Pasian thupina dinga Mangpa ahi chi aphuong ding uhi.

Matt. 5:11-12 “Miten keima zieh a ahing housiet ua, ahing bawlsiet ua, zuou a sietna chinteng a ahing heh hun chieng un, na hampah uhi. Kipah unlen, nasatah in nuom un, van ah na nuom man ding uh athupi mama hi, tuamabangin na masang ua guolnei umte zong ana bawlgenthe uhi.

September 18, 2021 (Kiginni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Khieel kisiana leh ngaidamna
Tawpna	:	

Bible Simding:

Luk. 15:17-24 Hinanleh ama leh ama ahing kiphawhkhiet tahin, Ka pa kunga kilaw suohte ann neh senglou nei atam tam u'toh, Kei lah tana gilkiel a shi ding hita mai veng in! Ka thou ding a, ka pa kungah ka pei dinga, akungah, "Pa aw van a tungah leh nangma mitmu in sil ka bawl khielta; Na tapa chi taah zong ka hi nawn sih, na kung a kilaw na suohte khat bengin hing bawlin, ka chi ding," achi hi. Tuachi'n athou a, apa kungah ahing peita hi. Hinanleh gamlapi a a um lai in apa'n ana mu a, alainat mama a, ana del a, a ngawngkawi a, atawpta hi. Tuachi'n atapa'n akungah, Pa aw van a tung ah leh nangma mitmuin sil ka bawlkhielta hi; na tapa chi taah zong ka hi nawn sih, achi hi. Hinanleh a pa'n asuohte kungah puontuol hoi penpen kintahin hing ladoh unlen, silsah un, akhut ah khutsip but sah unlen, akengah kengdap bun sah un. Tualeh bawngnou thautah hing la unlen, gou un, tuachi'n ine ding ua, kipah tahin i um ding uhi. Aziehpén tam ka tapa ashi a ahing hingkiata hi; amanga akimu kiata hi, achi hi. Tuachi'n kipahtahin a umta uhi.

September 19, 2021 (Pasianni Nitah)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pientha ngeingei ding ahi.
Tawpna	:	

Bible Simding:

Johan 3:3-8 Jesu'n adawng a akungah, "Adihtahin ka hing hil ahi, mi koipou apientha sih leh Pasian gam amu sih ding hi," achi hi. Nikodem in akungah, "Mi ateh nuain bangchin apiengtha thei diei? anu sunga nivei lut in apieng thei diei mah?" achi hi. Jesu'n adawnga, "Adihtahin ka hing hil ahi, Mi koipou tui leh Hagau a, apientha sihleh Pasian gam alut thei sih ding hi. Tahsa a pieng pouma tahsa ahia, Hagau a pieng pouma Hagau ahi. Na pientha ngeingei ding ahi, na kunga kachi lamdang sa sin. Hui a utna lamlam ah alaang a agin na za hi, hinanleh

heia hing kipan a, heilang a pei ding ahiei chi na thei sih hi. Michin Hagau a pieng pouma tuabang ahi.”

Rom 8:14-17 Aziehpén Pásian Hagauin apui poumate, Pásian tate ahi uhi. Zau a um kia dingín suoh hina Hagau na mu uh ahísíh a, ta hina Hagau na mu uh ahizaw hi; tua Hagau ziehin “Abba Pa” chiín i kikou zaw uhi. Hagau ngei in, eima hagau toh, Pásian tate ihi chi ahing theipi hi. Tuabanga tate ihi u’leh goulúote, Khrist toh Pásian gou luokhawmte ihi uhi. Ama toh ithuoh khawm pouleh, Ama toh pahtawi a umkhawm thei ding i hi.

Johan 8:32 Tualeh thutah na thei ding ua, tua thutah in noute ahing suohta sah ding hi,” achi hi.

September 20, 2021 (Seppatni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Hagau a hing hinkhuo
Tawpna	:	

Bible Simding:

I Korinth 2:10-11 Hinanleh Pásian in tuate Hagauin i kungah ahing theisahta hi. Hagau in silbangkim asuidoh a, ahi, athuh mama Pásian thugilte zong. Mihing lungsim ngaisut khu mihing sunga um hagau loungal koi ahiei a thei ding? Tuamabangin Pásian Hagau loungal koima’n Pásian ngaisutte athei sih hi.

Rom 8:1-11 Tuaziehin tuín vang, Khrist Jesu a um a, khelna dan zuilou a, Hagau dan a, umte ding in siemmaw tansahna mawngmawng aum nawn sih hi. Aziehpén Khrist Jesu a um, hinna Hagau danin khelna leh shina dan akipat ahing suohtasahta hi. Tahsa zieh a dana hatlouna zieh a, dan in abawl guollou khu, Pásian in a Tapa ngei khelna tahsa melpuo in, khelna thoidamna dinga hing sawlin, tahsa a khelna um

khu siemmaw atangsakta hi. Tahsa dan a peilou a, Hagau dan a pei zaw eite tunga dihtatnain aphut dan khu suhtangtung a um theina dingin. Tahsa dan a hingen, tahsa lam silte a lunggul ua, hinanleh Hagau dan a hingen hagau lam silte alunggul uhi. Tahsa lam silte lunggul khu shina ahi a, Hagau lam silte lunggul khu hinna leh hamuonna ahi. Tahsa lam lunggulna khu Pasion toh kimelmatna ahiziehin, tuakhu Pasion dan nuoi ah a um sih a, um zong a um thei sih hi. Tuabanga tahsa a umten Pasion akipahsah thei sih uhi. Hinanleh Pasion Hagau nouma a um tahtah ahi nahleh tahsa ah na um sih ua, Pasion Hagau nouma sungah ateng zaw hi. Tuin mi koizong Khrist Hagau neilou khu Ama a ahi sih uhi. Tualeh Khrist nouma a aum leh tahsa pumpi khelna ziehin ashi ahi. Hinanleh Hagau khu dihtatna ziehin ahing ahi. Hinanleh mishi lah a kipat Jesu kaithoupa Hagau khu nouma a aum leh mishi lah a kipat a Khrist kaithoupa'n nouma a um Hagau ziehin na tahsapum uh shi theite zong ahingsah ding hi.

September 21, 2021 (Sepkiani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Dihtatna hinkhuo
Tawpna	:	

Bible Simding:

Matt. 6:33 Hinanleh Pasion Gam leh adihtatna sui masa un, tuachi'n tam silte zousie piehbe na hi ding uhi. "Tuaziehin zing chienga dingin lunggim sih un, aziehpén zingin ama a ding silte akilunggimpi na ding hi. Ni khat gimthuoh khu ni khat a dingin ahun ahi.

Malaki 3:8 Mihingin Pasion asuom ding ahiei mah? Hinanleh nouten kei na hing suom uhi. Hinanleh nouten Nang kang bangchi suom ua ahiei? Nachi uhi. Sawm a khatte leh sillatte ah kei nang suom uhi.

Joshuo 7:13 Thou inlen mipite susiengthou in, tualeh akung uah zing chienga dingin kisusieng un; Mangpa Israelte Pasian in tambangin agen hi; “Na lah uah hamselaw sil a um hi, Aw Israel na lah ua pat a khum hamselaw sil na lahmang masangsie uh, na galte uh na zouthai sih ding uhi.”

Thupil 17:23 Migilou in thudih a vaihawmna heikawina dingin, golguhna sum adap neh hi.

September 22, 2021 (Nilaini)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Na Innsung siemtup in
Tawpna	:	

Bible Simding:

Isai 38:1-5 Tua hunlaiin, Hezekiah shi ding khopin achina hi. Tualeh Amoz tapa guolnei Isai akungah avahaw a, akungah “Tambangin Mangpa’n achi hi: Na innsung um ding dan geltupsa in koiin, aziehpén shi ding nahi, na damdoh zou nawnsih ding hi,” achi hi. Tuachi’n Hezekiah banglam nga in akihei a, Mangpa kungah athum a, “Aw Mangpa ka hing ngen ahi, na masanga thutah leh lungtang hoibukim puo a ka gamtat dan leh namit mu a silhoi ka bawl dante thei ngitngét in,” achi a, hasetah in akapta hi. Tuachi’n Mangpa thu Isai kungah ahing tunga, “Pei inlen, Hezekiah kungah va gen in, Mangpa na pa David Pasian in tambangin agen hi: na thumna ka zata a, na hituite zong ka muta hi; Ngaiin, na damsung nite kum sawm leh nga ka belap ding hi.

Nasepte 1:6-8 Tuaziehin amaute ahing kikhawm ua, akungah “Mangpa tuin ahiei Israelte kunga leenggam na tunding kia ding?” chi’n adong uhi. Tualeh Aman akung uah, “Pain ahun leh ani Ama thu thua um dinga aguot, noute thei ding ahisih hi. Hinanleh na tung ua Hagau Siengthou ahing tun chiengin silbawltheina na nei ding ua, Jerusalem

khuo ah, Judia gam leh Samaria gam zousie ah, tualeh kawlmong dongin ka thu theipite na hi ding uhi,” achi hi.

Joshua 24:15 Tualeh Mangpa nasep khu nou adinga sil hoilou banga na gel u’leh koi nna ahiei nasep ding uh tuni’n tel mai un; napu leh pate un Lui gal a a nna asepe uh pasiente nna ahiei, ahisihleh agam sung ua na ten na uh Amormite pasiente nna ahiei nasep dinguh, hinanleh keileh ka innkuonpiten vang Mangpa nna ahi ka sep ding uh” achi hi.

September 23, 2021 (Ningani)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Na umna/tenna mun suon in
Tawpna	:	

Bible Simding:

Gen. 19:12-17 Tuachi’n tua miten Lot kungah “Tamte chilou tanah mi dang aum nai mah? Na mahpa; na tanu, na tapa leh tam khopi a na neiteng tammun apat puidoh in. Aziehpén akikou thawm uh Mangpa masang a akhawh seng ziehin, tami khuo suse ding ka hi uh. Tualeh Mangpa’n asumang ding a kou ahing sawl ka hi uh,” achi uhi. Tuachi’n Lot apawtdoh a, atanute kitenpi amahpate kungah ava hil a, “Kisa unlen tam mun akipat in pawtkhie un, Mangpa’n tami khopi asuhmang ding ahi,” achi hi. Hinanleh a thugente amahpate ngaiin chiemnui bawl abang giap hi. Tualeh a zingmawng phalvah in, Vansawlsiengtén Lot kungah, “Kisa inlen, tana um na zi leh natanu tegel puiin, ahisihleh tam khopi gawtna ah ka mang khava uteh” chi’n anawta uhi. Tualeh ama awl awl in akisa nalai a, Mangpa mi hepisiem ahiziehin tua miten ama leh azi leh atanute akhut un aman ua, apuikhie ua, khopi pulamah akoita uhi. Tuachi’n hichi ahing ahia, amaute pulama apuidoh zaw un, aman, “Na hinna uh bitna ding in taikhie un, na nualam mawngmawng uh ensih unlen, phaijang mawngmawng ah zong khawlsih un. Tua muol ah tai un, tua chilouin katum khava uteh,” achi hi.

September 24, 2021 (Ziltawpni)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Teel a um ihi uhi.
Tawpna	:	

Bible Simding:

Johan 15:16 Nouten kei na hing tel sih ua, Ken noute ka hing telzaw hi. Pei a va ga ding leh, na ga uh umden dingin, tualeh Ka min a Pa kunga na nget pouma uh ahing pieh theina dingin noute ka hing guot ahi.

Kolo 3:12 Tuaziehin Pasian mitel, misiengthou leh deिताhte, bangin lainatna, nunnemna, kingaigiemna, lungnemna leh thuohhatnate sil un.

Matt. 22:14 Chielte tampi ahi ua, telte tawmnou ahi uh,” achi hi.

SEPGUOL KISUHTUONA

September 25, 2021 (Kiginni)

Puitu	:	
Pantu	:	
Reports	:	Local Secretaries
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian nasep pibawl va ui
Tawpna	:	

Bible Simding:

Matt. 28:18-20 Tuachi'n Jesu akung ua hing peiin, amauh ahoupia, “Van leh lei a thuneina zousie ka kunga pieh ahita hi. Tuazieh in pei unlen, namchin apat nuazui ding bawl unlen, Pa leh Tapa leh Hagausiengthou min in baptis unlen; thu ka hing piehte zousie zui

dingin thu hil un, tualeh ngai un, Kei bangchih tan in, leitung tawp dongin na kung uah ka um ding hi, achi hi.” Amen.

Isai 60:12 Aziehpén nangma nna sem utlou nam leh, leenggamte abeimang ding ua; Ahi, tua namte suhsiet dindem in a um ding uhi.

Jer. 48:10 “Koi zong thase kawm a Mangpa nasem khu, hamse law in um heh, sisan suolou dinga anamsau, apai a siet kia khu hamse law in um heh.

September 26, 2021 (Pasianni Sun), 10:00am

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Pasian thuguh kemtu ihi uhi.
Tawpna	:	

Bible Simding:

Isai 26:3-4 Na tunga lungtang kiptah a nga mi in nangma ahing muon ziehin, lungmuonna kim nei dingin na kem ding hi. Mangpa khu kumtawn in muongun; aziehpén Jehovah ah tangtawn hatna a um hi.

I Pet. 5:1-5 Na lah ua upate khu, Kei na upa hipi u’leh, Khrist thuohnate theipipa leh ahing kilang ding thupina tang sam ding khat in, ka hing hanthawn hi. Na lah ua Pasion belam pawl umte ching hoi un, aloutheilou ahizieh hilou in, na ut zieh uh hizaw in, punna dihloou dei zieh zong hilou in, sep ding kilawpna in hizaw heh. Pasion in noute ahing kepsahte tunga kiliensah lou in, belamhonte etton dingin umzaw un. Tualeh belampu lienpen ahing kilah chiengin, atul theilou thupina manglukhu na sang ding uhi. Tuamabangin nou khanglaite upate nuoi ah kitulut un. Ahi, na bawn un khat leh khat nuoi ah, kitulut tuo chiet unlen, kingaingiemna sil un, aziehpén: “Pasion in akiliensahte a dou a, akingaingiemte pen hepina apie hi.”

Nasepte 20:27-29 Aziehpén Pasián thuguoṯ zousie noute kunga phuondoh lou a im ka nei sih hi. Tuaziehin noute pilvang unlen, belamhonte zousie vengun, Pasián Hattuom Ama sisan a aleisate vah dingin, Hagau Siengthouin amaute lah a belampu hi dingin noute ahing guot ahi. Aziehpén ka pei nua chiengin, ngia giloute na lah uah ahing lut dinga, belamhon akhawi sih ding uh, chi ka thei hi.

Juda 21 Kumtawn hinna hing tut ding i Mangpa Jesu Khrist hepina ngah kawmin, Pasián itna ah kikem det un

September 26, 2021 (Pasianni Nitah)

Puitu	:	
Pantu	:	
Thumguolna	:	Mipi
Tuohkhawm lantu	:	
Thugentu	:	
Thupi	:	Na gam hing tung hen
Tawpna	:	

Bible Simding:

Matt. 6:10 Na gam hing tung hen, na deilam van a akibawl bangin, lei ah zong kibawl hen.

Lk. 17:20-21 Tualeh Pharisaiten Pasián gam hing tun hun ding adoh u'leh, Aman adawng a akung uah, “Pasián gam pen mu theiin ahing tung sih hi. En un, tanah, ahisihleh En un, khunah, zong achi sih ding uhi, Aziehpén ngai un, Pasián gam khu na lah uah a um hi,” achi hi.

ZOU PRESBYTERIAN CHURCH SYNOD
SEPGUOL RECORD 2021

Hattuum min

Group No. [Local Hattuum ah]

<i>Dt.</i>	<i>Puitu</i>	<i>Pantu</i>	<i>Thugentu</i>	<i>Silpieh Lantu</i>	<i>Silpieh</i>
1.					
2.					
3.					
4.					
5.					
6.					
7.					
8.					
9.					
10.					
11.					
12.					
13.					
14.					
15.					

16.						
17.						
18.						
19.						
20.						
21.						
22.						
23.						
24.						
25.						
26.						
27.						
28.						
29.						
30.						
						<i>Tuohkhawm zousie</i>

Report petu:

R E C O R D

Date	Amun	Kikhawm Zat	Tuohkhawm
1			
2			
3			
4			
5			
6			
7			
8			
9			
10			
11			
12			
13			
14			
15			
16			
17			
18			
19			
20			
21			
22			
23			
24			
25			
26			
27			
28			
29			
30			
	Total		

